

Aalisarnermut, Piniarnermut Nunalerinermullu Naalakkersuisoq
Landsstyremedlemmet for Fiskeri, Fangst & Landbrug
Minister of Fisheries, Hunting & Agriculture



Inatsisartunut ilaasortaq Anthon Frederiksen, Kattusseqatigiit Parti
MAANI

- 1) **Naalakkersuisunut apeqqummut nr. 33-mut akissut una pillugu ”Illoqarfinni nunaqarfinnilu aalisangaqarfiusuni tunissassiornikkut, pisariaqartitsineq naapertorlungu inerisaaneq qanoq ukiuni tulliuuttuni ingerlanneqassanersoq naalakkersuisunit pilersaaruteqarfingineqarpa / eqqarsaatersuutingineqarpa?”**

Naalakkersuisoqarfimma 23. marts 2009 tunisassiorfiit pillugit Naalakkersuisunut apeqqutitit tiguai.

- 2) *Illoqarfinni nunaqarfinnilu aalisangaqarfiusuni tunissassiornikkut, pisariaqartitsineq naapertorlungu inerisaaneq qanoq ukiuni tulliuuttuni ingerlanneqassanersoq naalakkersuisunit pilersaaruteqarfingineqarpa / eqqarsaatersuutingineqarpa?*

J.nr. 01.28
2009-33
2. april 2009
Postboks 269
3900 Nuuk
Oq/tel +299 34 50 00
Fax +299 32 47 04
apnn@gh.gl
www.nanoq.gl

- 1) pillugu. Siullerpaatillugu tunngaviusumik oqaatigisariaqarpoq Namminersornerullutik Oqartussat tunisassiorfinnik ingerlatsinngitsut, kisiannili aktiaselskabinik piginnittuulluni imaluunniit piginneqatigiiffiit tunisassiorlut sullissinissamik isumaqatigiissusiorfiginikuullugit. Naalakkersuisut aamma isumaqarput illoqarfinni nunaqarfinnilu aalisakkanik tunisassiorneq ingerlatsinermi pisortasut ingerlattariaqaraat.

Ilisimaneqartutut Royal Greenland A/S 100 %-imik Namminersornerullutik Oqartussanit pigineqarpoq. Kisiannili aktiaselskabit pillugit inatsit tunngavigalugu ingerlatsisoqarpoq, aammalu siulersuisut piginneqatigiiffimmilu pisortat ingerlatsineq akisussaaffigalugu.

Namminersornerullutik Oqartussat aammattaaq ingerlatsinissamik isumaqatigiissutitit, tunisassiorfimmiit konto pingaarneq 50.01.18 aqutigalugu Arctic Green Food A/S-imik sullissinissamik isumaqatigiissuteqarput. Piginneqatigiiffik taanna aamma aktiaselskabit pillugit inatsit tunngavigalugu ingerlavoq.

Namminersornerullutik Oqartussat tunisassiorfinnik ingerlatsinermut akiliuteqqusaanngillat akuliussinnaanatiluu, taamaammallu aamma illoqarfinni nunaqarfinnilu aalisakkanik tunisassiornermi ineriartortitsinissamut pilersaarusiorsinnaanatik. Namminersornerullutik Oqartussat ataatsimeersuarnerit aqutigalugit qulliunerusumik politikkit nalunaarutigisarpaat.

2009-mut aningaasanut inatsisissamut siunnersuutip Inatsisartut suliarinninnerinut atatillugu Inatsisartut aalajangiippat Arctic Green Food A/S-imut tapiissutit Ingerlatsinermut isumaqatigissutit, tunisassiorfiit kontomi pingaarnermi 50.01.18-imi annertuumik ikilisinneqassasut. Siunertaanngikkaluarpoq

pingajussaaneerinninnermi Aningaasaqarnermut Ataatsimiititaliap
tulleriinnilersuineratut AGF A/S-imut aningaasaliissutit ikilisinneqassasut.

Suleqatigiissitaliortoqarnikuuvoq, taassumalu AGF A/S-ip aamma Royal Greenland A/S-ip nunaqarfinni tunisassiofii misissorpai. Naatsorsuutigineqarpoq suleqatigiissitaliap nalunaarusiaa aprilip ingerlanerani naammassissasoq, taassumalu kingorna Naalakkersuisuni suliarineqarluni.

Inussiarnersumik inuulluaqqusillunga

Finn Karlsen
Aalisarnermut, Piniarnermut Nunalerinermullu Naalakkersuisoq